

燕召公世家第四

史記三十四

召公奭與周同姓姓姬氏

譙周曰周之支族食邑於召謂之召公

周武王之滅紂封召公於北燕

世本曰居北燕宋志曰有

南燕故云北燕

其在成王時召公為三公自陝以西

召公主之自陝以東周公主之

何休曰陝者蓋今弘農陝

縣是也成王既幼周公攝政當國踐阼召公疑

之作君奭

孔安國曰尊之曰君陳古以告之故以名篇

君奭不說周公

馬融曰召公以周公既攝政致太平功配文武不宜復列在臣位故不說以為周公苟貪寵也

周公乃

稱湯時有伊尹假于皇天

孔安國曰伊摯佐湯功至大天謂致太平

也鄭玄曰皇天北極天帝也

在大戊時則有若伊陟臣扈假

于上帝巫咸治王家

孔安國曰伊陟臣扈率伊尹之職使其君不墮祖業故至

天之功不墮巫咸治王家言其不及二臣馬融曰道至于上帝謂奉天時也鄭玄曰上帝太微中其所統也

在

祖乙時則有若巫賢

孔安國曰時賢臣有如此巫賢也賢咸子巫氏也

在武丁時則有若甘般

孔安國曰高宗即位甘般佐之後有傳說

率

維茲有陳保又有彤

徐廣曰一無此九字駟案王肅曰循此數臣有陳列之功

安治有彤也

於是召公乃說召公之治西方甚得

兆民和召公巡行鄉邑有棠樹決獄政事

其下自侯伯至庶人各得其所無失職者

召公卒而民人思召公之政懷棠樹不敢

伐歌詠之作甘棠之詩自召公已下九世

至惠侯燕惠侯當周厲王奔彘共和之時

惠侯卒子釐侯立是歲周宣王初即位釐

侯二十一年鄭桓公初封於鄭三十六年

釐侯卒子頃侯立頃侯二十年周幽王淫

亂為犬戎所弑秦始皇列為諸侯二十四年

頃侯卒子哀侯立哀侯二年卒子鄭侯立

鄭侯三十六年卒子繆侯立繆侯七年而

魯隱公元年也十八年卒子宣侯立宣侯

十三年卒 相侯立 徐廣曰古史考曰世家自宣侯已下不說其屬以其難明

故也 相侯七年卒 世本曰相侯徙臨易宋忠曰今河間易縣是也 莊公

立莊公十二年齊相公始霸十六年與宋

衛共伐周惠王惠王出奔温立惠王弟頹

為周王 譙周曰案春秋傳燕與子頹逐周惠王者乃南燕姑姓也世家以為北燕失之 十七

年鄭執燕仲父而內惠王于周二十七年

山戎來侵我齊相公救燕遂北伐山戎而

還燕君送齊相公出境相公因割燕所至

地予燕使燕其貢天子如成周時職使燕

復修召公之法三十三年卒子襄公立襄

公二十六年晉文公為踐土之會稱伯三

十一年秦師敗于殽三十七年秦穆公卒

四十年襄公卒相公立相公十六年卒宣

公立宣公十五年卒昭公立昭公十三年

卒武公立是歲晉滅三卻大夫武公十九

年卒文公立文公六年卒懿公立懿公元

年齊崔杼弑其君莊公四年卒子惠公立

惠公元年齊高止來奔六年惠公多寵姬
公欲去諸大夫而立寵姬宋大夫共誅姬
宋惠公懼奔齊四年齊高偃如晉請共伐
燕入其君晉平公許與齊伐燕入惠公惠
公至燕而死燕立悼公悼公七年卒共公
立共公五年卒平公立晉公室卑六卿始
彊大平公十八年吳王闔閭破楚入郢十
九年卒簡公立簡公十二年卒獻公立晉
趙鞅圍范中行於朝歌獻公十二年齊田

常弒其君簡公十四年孔子卒二十八年
獻公卒孝公立孝公十二年韓魏趙滅知
伯分其地三晉彊十五年孝公卒成公立
成公十六年卒湣公立湣公三十一年卒
釐公立是歲三晉列為諸侯釐公三十年
伐敗齊于林營釐公卒桓公立桓公十一
年卒文公立是歲秦獻公卒秦益彊文公
十九年齊威王卒二十八年蘇秦始來見
說文公文公予車馬金帛以至趙趙肅侯

用之因約六國為從長秦惠王以其女為
燕太子婦二十九年文公卒太子立是為
易王易王初立齊宣王因燕喪伐我取十
城蘇秦說齊使復歸燕十城十年燕君為
王蘇秦與燕文公夫人私通懼誅乃說王
使齊為反閒欲以亂齊孫子兵法曰反閒者因敵間而用之者也凡軍
之所欲擊城之所欲攻人之所欲殺必先知其守將左右謁者門者舍人之姓名令吾間必索敵間之來
間我者因而利導令易王立十二年卒子燕噲
之故反間可得用也
立燕噲既立齊人殺蘇秦蘇秦之在燕與

其相子之為婚而蘇代與子之交及蘇秦
死而齊宣王復用蘇代燕噲三年與楚三
晉攻秦不勝而還子之相燕貴重主斷蘇
代為齊使於燕燕王問曰齊王奚如對曰
必不霸燕王曰何也對曰不信其臣蘇代
欲以激燕王以尊子之也於是燕王大信
子之子之因遺蘇代百金而聽其所使鹿
毛壽徐廣曰一作厝毛又曰甘陵縣本名厝謂燕王不如以國讓
相子之人之謂堯賢者以其讓天下於許

由許由不受有讓天下之名而實不失天下今王以國讓於子之子之必不敢受是王與堯同行也燕王因屬國於子之子之大重或曰禹薦益已而以啓人為吏及老而以啓為不足任乎天下傳之於益已而啓與交黨攻益奪之天下謂禹名傳天下於益已而實令啓自取之今王言屬國於子之而吏無非太子人者是名屬子之而實太子用事也王因收印自三百石吏已

上而效之子之子之南面行王事而噲老不聽政顧為臣國事皆決於子之三年國大亂百姓恫恐將軍市被與太子平謀將攻子之諸將謂齊湣王曰因而赴之破燕必矣齊王因令人謂燕太子平曰寡人聞太子之義將廢私而立公飭君臣之義明父子之位寡人之國小不足以為先後雖然則唯太子所以令之太子因要黨聚眾將軍市被圍公宮攻子之不克將軍市被

及百姓反攻太子平將軍市被死以徇因
搆難數月死者數萬衆人恫恐百姓離志

孟軻謂齊王曰今伐燕此文武之時不可

失也王因令章子將五都之兵章子齊人見孟子以

因北地之衆以伐燕士卒不戰城門不閉

燕君噲死齊大勝燕子之亡徐廣曰年表云君噲及太子相

子之皆死駟案汲冢紀年曰齊人禽子之而醢其身二年而燕人共立太子

平是為燕昭王徐廣曰噲立七年而死其九年燕人共立太子平燕昭王

於破燕之後即位卑身厚幣以招賢者謂

郭隗曰齊因孤之國亂而襲破燕孤極知

燕小力少不足以報然誠得賢士以共圖

以雪先王之恥孤之願也先生視可者得

身事之郭隗曰王必欲致士先從隗始况

賢於隗者豈遠千里哉於是昭王為隗改

築宮而師事之樂毅自魏往鄒衍自齊往

劇辛自趙往士爭趨燕燕王弔死問孤與

百姓同甘苦二十八年燕國殷富士卒樂

軼輕戰於是遂以樂毅為上將軍與秦楚

三晉合謀以伐齊齊兵敗湣王出亡於外
燕兵獨追北入至臨菑盡取齊寶燒其宮
室宗廟齊城之不下者獨唯聊莒即墨其
餘皆屬燕六歲昭王二十三年卒子惠王
立惠王爲太子時與樂毅有隙及即位疑
毅使騎劫代將樂毅亡走趙齊田單以即
墨擊敗燕軍騎劫死燕兵引歸齊悉復得
其故城湣王死于莒乃立其子爲襄王惠
王七年卒韓魏楚共伐燕燕武成王立武

成王七年齊田單伐我拔中陽十三年秦
敗趙於長平四十餘萬十四年武成王卒
子孝王立孝王元年秦圍邯鄲者解去三
年卒子今王喜立今王喜四年秦昭王卒
燕王命相栗腹約歡趙以五百金爲趙王
酒還報燕王曰趙王壯者皆死長平其孤
未壯可伐也王召昌國君樂閒問之對曰
趙四戰之國其民習兵不可伐王曰吾以
五而伐一對曰不可燕王怒羣臣皆以爲

可卒起二軍車二千乘栗腹將而攻鄣徐廣

曰在常山卿秦攻代唯獨大夫將渠謂燕王今日高邑

白與人通關約交以五百金飲人之王使

者報而反攻之不祥兵無成功燕王不聽

自將偏軍隨之將渠引燕王緩止之曰王

必無自往往無成功王蹙之以足將渠泣

曰臣非以自為為王也燕軍至宋子徐廣曰屬鉅鹿

趙使廉頗將擊破栗腹於鄣破卿秦樂乘

於代樂閒奔趙廉頗逐之五百餘里圍其

國燕人請和趙人不許必今將渠處和燕

相將渠以將渠為相以處和趙聽將渠解燕圍六

年秦滅東西周置三川郡七年秦拔趙榆

次三十七城秦置太原郡九年秦王政初

即位十年趙使廉頗將攻繁陽徐廣曰屬魏郡拔之

趙孝成王卒悼襄王立使樂乘代廉頗廉

頗不聽攻樂乘樂乘走廉頗奔大梁十二

年趙使李牧攻燕拔武遂徐廣曰屬河間方城徐廣曰屬

涿有督亢亭劇辛故居趙與龐煖善已而亡走燕

燕見趙數困于秦而廉頗去令龐煖將也
欲因趙弊攻之問劇辛辛曰龐煖易與耳
燕使劇辛將擊趙趙使龐煖擊之取燕軍
二萬殺劇辛秦拔魏二十城置東郡十九
年秦拔趙之鄴九城趙悼襄王卒二十三
年太子丹質於秦亡歸燕二十五年秦虜
滅韓王安置潁川郡二十七年秦虜趙王
遷滅趙趙公子嘉自立為代王燕見秦且
滅六國秦兵臨易水徐廣曰出潁郡故安也禍且至燕

太子丹陰養壯士二十人使荆軻獻督亢
地圖於秦因襲刺秦王秦王覺殺軻使將
軍王翦擊燕二十九年秦攻拔我薊燕王
亡徙居遼東斬丹以獻秦三十年秦滅魏
三十三年秦拔遼東虜燕王喜卒滅燕是
歲秦將王賁亦虜代王嘉

太史公曰召公奭可謂仁矣甘棠且思之
况其人乎燕北迫蠻貉內措齊晉崎嶇疆
國之間最為弱小幾滅者數矣然社稷血

食八九百歲於姬姓獨後云豈非召公之
烈邪

燕召公世家第四 史記二十四

管蔡世家第五 史記三十五

管叔鮮蔡叔度者周文王子而武王弟也
武王同母兄弟十人母曰大妣文王正妃
也其長子曰伯邑考次曰武王發次曰管
叔鮮次曰周公旦次曰蔡叔度次曰曹叔
振鐸次曰成叔武次曰霍叔處次曰康叔
封次曰冉季載冉季載最少同母兄弟十
人徐廣曰文王之子為侯者十有六國唯發旦賢左右輔文王故
文王舍百邑考而以發為太子及文王崩

而發立是為武王伯邑考既已前卒矣武王已克殷紂平天下封功臣昆弟於是封

叔鮮於管

杜預曰管在熒陽京縣東北

封叔度於蔡

世本曰居

上蔡二人相紂子武庚祿父治殷遺民封叔

旦於魯而相周為周公封叔振鐸於曹封

叔武於成封叔處於霍康叔封冉季載皆

少未得封武王既崩成王少周公旦專王

室管叔蔡叔疑周公之為不利於成王乃

挾武庚以作亂周公旦承成王命伐誅武

庚殺管叔而放蔡叔遷之與車十乘徒七

十人從而分殷餘民為二其一封微子啓於

宋以續殷祀其一封康叔為衛君是為衛

康叔封季載於冉冉季康叔皆有馴行於

是周公舉康叔為周司寇冉季為周司空

以佐成王治皆有令名於天下蔡叔度既

遷而死其子曰胡胡乃改行率德馴善周

公聞之而舉胡以為魯卿士魯國治於是

周公言於成王復封胡於蔡

宋忠曰胡徙居新蔡

以奉

蔡叔之祀是為蔡仲餘五叔皆就國無為
天子吏者蔡仲卒子蔡伯荒立蔡伯荒卒
子宮侯立宮侯卒子厲侯立厲侯卒子武
侯立武侯之時周厲王失國奔彘共和行
政諸侯多叛周武侯卒子夷侯立夷侯十
一年周宣王即位二十八年夷侯卒子釐
侯所事立釐侯三十九年周幽王為犬戎
所殺周室卑而東徙秦始得列為諸侯四
十八年釐侯卒子共侯興立共侯二年卒

子戴侯立戴侯十年卒子宣侯措父立宣

侯二十八年魯隱公初立三十五年宣侯

卒子桓侯封人立桓侯三年魯弑其君隱

公二十年桓侯卒弟哀侯獻舞立哀侯十

一年初哀侯娶陳息侯亦娶陳杜預曰息國
汝南新息縣

息夫人將歸過蔡蔡侯不敬息侯怒請楚

文王來伐我我求救於蔡蔡必來楚因擊

之可以有功楚文王從之虜蔡哀侯以歸

哀侯留九歲死於楚凡立二十年卒蔡人

立其子盱是為繆侯繆侯以其女弟為齊桓公夫人十八年齊桓公與蔡女戲船中夫人蕩舟桓公止之不止公怒歸蔡女而不絕也蔡侯怒嫁其妹齊桓公怒伐蔡蔡潰遂虜繆侯南至楚邵陵已而諸侯為蔡謝齊齊侯歸蔡侯二十九年繆侯卒子莊侯甲午立莊侯三年齊桓公卒十四年晉文公敗楚於城濮二十年楚太子商臣弑其父成王代立二十五年秦穆公卒三十

三年楚莊王即位三十四年莊侯卒子文侯申立文侯十四年楚莊王伐陳殺夏徵舒十五年楚圍鄭鄭降楚楚復醜之二十年文侯卒子景侯同立景侯元年楚莊王卒四十九年景侯為太子般娶婦於楚而景侯通焉太子般弑景侯而自立是為靈侯靈侯二年楚公子圍弑其王郟敖而自立為靈王九年陳司徒招弑其君哀公楚使公子棄疾滅陳而有之十二年楚靈王

以靈侯弑其父誘蔡靈侯于申伏甲飲之
 醉而殺之刑其士卒七十人令公子棄疾
 圍蔡十一月滅蔡使棄疾為蔡公楚滅蔡
 三歲楚公子棄疾弑其君靈王代立為平
 王平王乃求蔡景侯少子廬立之是為平
 侯宋忠曰平侯徒下蔡是年楚亦復立陳楚平王初立
 欲親諸侯故復立陳蔡後世本曰平侯者靈侯般之孫太子友之子
 平侯九年卒靈侯般之孫東國攻平侯子
 而自立是為悼侯悼侯父曰隱太子友隱

太子友者靈侯之太子平侯立而殺隱太
 子故平侯卒而隱太子之子東國攻平侯
 子而代立是為悼侯悼侯三年卒弟昭侯
 申立昭侯十年朝楚昭王持美裘二獻其
 一於昭王而自衣其一楚相子常欲之不
 與子常讒蔡侯留之楚三年蔡侯知之乃
 獻其裘於子常子常受之乃言歸蔡侯蔡
 侯歸而之晉請與晉伐楚十三年春與衛
 靈公會邵陵蔡侯私於周襄弘以求長於

衛服虔曰載書使蔡在衛上衛使史鮒言康叔之功德乃

長衛夏為晉滅沈杜預曰汝南平輿縣有郊亭楚怒攻蔡蔡

昭侯使其子為質於吳以共伐楚冬與吳

王闔閭遂破楚入郢蔡怨子常子常恐奔

鄭十四年吳去而楚昭王復國十六年楚

令尹為其民泣以謀蔡蔡昭侯懼二十六

年孔子如蔡楚昭王伐蔡蔡恐告急於吳

吳為蔡遠約遷以自近易以相救昭侯私

許不與大夫計吳人來救蔡因遷蔡于州

來二十八年昭侯將朝于吳大夫恐其復

遷乃令賊利殺昭侯已而誅賊利以解過

而立昭侯子朔是為成侯成侯四年宋滅

曹十年齊田常弑其君簡公十三年楚滅

陳十九年成侯卒子聲侯產立聲侯十五

年卒子元侯立元侯六年卒子侯齊立侯

齊四年楚惠王滅蔡蔡侯齊亡蔡遂絕祀

後陳滅三十三年伯邑考其後不知所封

武王發其後為周有本紀言管叔鮮作亂

史世家五
誅死無後周公旦其後為魯有世家言蔡
叔度其後為蔡有世家言曹叔振鐸其後
為曹有世家言成叔武其後世無所見霍
叔處其後晉獻公時滅霍康叔封其後為
衛有世家言冉季載其後世無所見

太史公曰管蔡作亂無足載者然周武王
崩成王少天下既疑賴同母之弟成叔冉
季之屬十人為輔拂是以諸侯卒宗周故
附之世家言
曹叔世家
曹

曹叔振鐸者周武王弟也武王已克殷紂

封叔振鐸於曹宋忠曰濟陽定陶縣叔振鐸卒子太伯

腓立太伯卒子仲君平立仲君平卒子宮

伯侯立宮伯侯卒子孝伯雲立孝伯雲卒

子夷伯喜立夷伯二十三年周厲王奔子

穉三十年卒弟幽伯強立幽伯九年弟蘇

殺幽伯代立是為戴伯戴伯元年周宣王

已立三歲三十年戴伯卒子惠伯兕立孫檢

曰兕音徐子反曹惠伯或名惠伯二十五年周幽

維或名弟或復名弟兕也

王為犬戎所殺因東徙益卑諸侯畔之秦
 始列為諸侯三十六年惠伯卒子石甫立
 其弟武殺之代立是為繆公繆公三年卒
 子桓公終生立孫檢云一作終涅涅音生桓公三十五年魯
 隱公立四十五年魯弒其君隱公四十六
 年宋華父督弒其君殤公及孔父五十五
 年桓公卒子莊公夕姑立莊公二十三年
 齊桓公始霸三十一年莊公卒子釐公夷
 立釐公九年卒子昭公斑立昭公六年齊

桓公敗蔡遂至楚召陵九年昭公立子共
 公襄立共公十六年初晉公子重耳其亡
 過曹曹君無禮欲觀其駢脅韋昭曰駢者并幹也釐負
 羈諫不聽私善於重耳二十一年晉文公
 重耳伐曹虜共公以歸令軍毋入釐負羈
 之宗族問或說晉文公曰昔齊桓公會諸
 侯復異姓今君囚曹君滅同姓何以令於
 諸侯晉乃復歸共公二十五年晉文公卒
 三十五年共公卒子文公壽立文公二十

三年卒子宣公彊立宣公十七年卒弟成
公負芻立成公三年晉厲公伐曹虜成公
以歸已復釋之五年晉欒書中行偃使程
滑弒其君厲公二十三年成公卒子武公
勝立武公二十六年楚公子棄疾弒其君
靈王代立二十七年武公卒子平公頃立
平公四年卒子悼公午立是歲宋衛陳鄭
皆火悼公八年宋景公立九年悼公朝於
宋宋囚之曹立其弟野是為聲公悼公死

於宋歸葬聲公五年平公弟通弒聲公代
立是為隱公隱公四年聲公弟露弒隱公
代立是為靖公靖公四年卒子伯陽立伯
陽三年國人有夢衆君子立于社宮

官社也鄭衆曰社
宮中有室屋者

謀欲亡曹曹叔振鐸止之

賈逵曰社

請待公孫彊許之旦求之曹無此人夢者
戒其子曰我亡爾聞公孫彊為政必去曹
無罹曹禍及伯陽即位好田弋之事六年
曹野人公孫彊亦好田弋獲白鴈而獻之

且言田弋之說因訪政事伯陽大說之有
寵使爲司城以聽政夢者之子乃亡去公
孫彊言霸說於曹伯十四年曹伯從之乃
背晉干宋賈逵曰以宋景公伐之晉人不救
十五年宋滅曹執曹伯陽及公孫彊以歸
而殺之曹遂絕其祀

太史公曰余尋曹共公之不用僖負羈乃
乘軒者三百人知唯德之不建及振鐸之
夢豈不欲引曹之祀者哉如公孫彊不脩

厥政叔鐸之祀忽諸

管蔡世家第五

陳杞世家第六

史紀三十六

陳胡公滿者虞帝舜之後也昔舜爲庶人時堯妻之二女居于媯汭其後因爲氏姓姓媯氏舜已崩傳禹天下而舜子商均爲封國夏后之時或失或續至于周武王克殷紂乃復求舜後得媯滿封之於陳以奉帝舜祀是爲胡公胡公卒子申公犀侯立申公卒弟相公臯羊立相公卒立申公子突是爲孝公孝公卒子慎公圉戎立慎公

立當周厲王時慎公卒子幽公寧立幽公
十二年周厲王奔于玁二十三年幽公卒
子釐公孝立釐公六年周宣王即位三十
六年釐公卒子武公靈立武公十五年卒
子夷公說立是歲周幽王即位夷公三年
卒弟平公燮立平公七年周幽王為犬戎
所殺周東徙秦始列為諸侯二十三年平
公卒子文公圉立文公元年取蔡女生子
佗十年文公卒長子桓公鮑立桓公二十三

年魯隱公初立二十六年衛殺其君州吁

三十三年魯弒其君隱公三十八年正月

甲戌己丑陳桓公鮑卒桓公弟佗其母蔡

女故蔡人為佗殺五父及桓公太子免而

立佗燕周曰春秋傳謂佗即五父世家傳運是為厲公桓公病而

亂作國人分散故再赴徐廣曰班氏云厲公厲

公二年生子敬仲完周太史過陳陳厲公

使以周易筮之卦得觀之否賈逵曰坤下巽

否觀爻在六四變而之否是為觀國之光利用賓于王杜預

曰此周易觀卦六四爻辭也易之為書六爻皆有變象又有互體聖人隨其義而論之此其代

陳有國乎不在此其在異國非此其身在此其子孫若在異國必姜姓姜姓太嶽之後

杜預曰姜姓之先為堯四嶽物莫能兩大陳衰此其昌乎

厲公取蔡女蔡女與蔡人亂厲公數如蔡

淫七年厲公所殺桓公太子免之三弟長

曰躍中曰林少曰杵曰共令蔡人誘厲公

以好女與蔡人共殺厲公公羊傳曰淫于蔡蔡人殺之而

立躍是為利公利公者桓公子也利公立

五月卒立中弟林是為莊公莊公七年卒

少弟杵曰立是為宣公宣公三年楚武王

卒楚始彊十七年周惠王娶陳女為后二

十一年宣公後有嬖姬生子款欲立之乃

殺其太子禦寇禦寇素愛厲公子完完懼

禍及已乃奔齊齊桓公欲使陳完為卿完

曰羈旅之臣賈逵曰羈寄旅客也幸得免負檐君之惠

也不敢當高位桓公使為工正齊懿仲欲

妻陳敬仲卜之占曰是謂鳳皇于飛和鳴

三州

鏘鏘杜預曰雄曰鳳雌曰皇雄雌俱飛相和有媯

之後將育于姜杜預曰媯姓姜齊姓五世其昌並于

正卿服虔曰言完後八世之後莫之與京賈逵

曰京大也三十七年齊桓公伐蔡蔡敗南侵楚至

召陵還過陳陳大夫轅濤塗惡其過陳詐

齊令出東道東道惡桓公怒執陳轅濤塗

是歲晉獻公殺其太子申生四十五年宣

公卒子款立是為穆公穆公五年齊桓公

卒十六年晉文公敗楚師于城濮是歲穆

公卒子共公朔立共公六年楚太子商臣

弑其父成王代立是為穆王十一年秦穆

公卒十八年共公卒子靈公平國立靈公

元年楚莊王即位六年楚伐陳十年陳及

楚平十四年靈公與其大夫孔寧儀行父

皆通於夏姬衷其衣以戲於朝左傳曰衷其

曰或衣其衣泄冶諫曰君臣淫亂民何效焉

靈公以告二子二子請殺泄冶公弗禁遂

殺泄冶春秋曰陳殺其大夫泄冶十五年靈公與二子飲

於夏氏公戲二子曰徵舒似汝二子曰亦

似公杜預曰靈公即位十五年徵舒已為卿年大無嫌是公子也蓋以夏姬淫放故謂其子多似以

為戲也徵舒怒靈公罷酒出徵舒伏弩廐門射

殺靈公左傳曰公出自其廐孔寧儀行父皆奔楚靈公

太子午奔晉徵舒自立為陳侯徵舒故陳

大夫也夏姬御叔之妻舒之母也成公元

年冬楚莊王為夏徵舒殺靈公率諸侯伐

陳謂陳曰無驚吾誅徵舒而已已誅徵舒

因縣陳而有之羣臣畢賀申叔時使於齊

來還獨不賀賈逵曰叔時楚大夫莊王問其故對曰鄙

語有之牽牛徑人田田主奪之牛徑則有

罪矣奪之牛不亦甚乎今王以徵舒為賊

弑君故徵兵諸侯以義伐之已而取之以

利其地則後何以令於天下是以不賀莊

王曰善乃迎陳靈公太子午於晉而立之

復君陳如故是為成公孔子讀史記至楚

復陳曰賢哉楚莊王輕千乘之國而重一

言二十八八年楚莊王卒二十九年陳倍楚

史世家六
五
盟三十年楚共王伐陳是歲成公卒子哀
公弱立楚以陳喪罷兵去哀公三年楚圍
陳復釋之二十八年楚公子圍弑其君邲
敖自立為靈王三十四年初哀公娶鄭長
姬生悼太子師少姬生偃二嬖妾長妾生
留少妾生勝留有寵哀公哀公屬之其弟
司徒招哀公病三月招殺悼太子立留為
太子哀公怒欲誅招招發兵圍守哀公哀
公自經殺徐廣曰三十五年時招卒立留為陳君四月

陳使使赴楚楚靈聞陳亂乃殺陳使者使
公子弃疾發兵伐陳陳君留奔鄭九月楚
圍陳十一月滅陳使弃疾為陳公招之殺
悼太子也太子之子名吳出奔晉晉平公
問太史趙曰陳遂亡乎對曰陳顓頊之族

服虔曰陳祖虞舜舜出顓頊故為顓頊之族陳氏得政於齊乃卒亡

賈逵曰物莫能兩盛自幕至于瞽叟無違命賈逵曰幕舜後虞思也至

下瞽叟無聞違天命以廢絕者鄭眾曰幕舜之先也駟案國語西只義為長舜重之以明

德至於遂杜預曰遂舜後蓋殷之興存舜之後而封遂言舜德乃至於遂也世

世守之及胡公周賜之姓杜預曰胡公滿遂之後也事周武王賜姓

曰媯封之陳使祀虞帝且盛德之後必百世祀

虞之世未也其在齊乎楚靈王滅陳五歲

楚公子弃疾弒靈王代立是為平王平王

初立欲得和諸侯乃求故陳悼太子師之

子吳立為陳侯是為惠公惠公立探續哀

公卒時年而為元空籍五歲矣七年陳火

十五年吳王僚使公子光伐陳取胡沈而去

二十八年吳王闔閭出六子胥敗楚入郢是年

惠公卒子懷公柳立懷公元年吳破楚在

郢召陳侯陳侯欲往大夫曰吳新得意楚

王雖亡與陳有故不可倍懷公乃以疾謝

吳四年吳復召懷公懷公恐如吳吳怒其

前不往留之因卒吳陳乃立懷公之子越

是為湣公湣公六年孔子適陳吳王夫差

伐陳取三邑而去十三年吳復來伐陳陳

告急楚楚昭王來救軍於城父吳師去是

年楚昭王卒於城父時孔子在陳十五年

宋滅曹十六年吳王夫差伐齊敗之及陵
使人召陳侯陳侯恐如吳楚伐陳二十一
年齊田常弒其君簡公二十三年楚之白
公勝殺令尹子西子綦襲惠王葉公攻敗
白公白公自殺二十四年楚惠王復國以
兵北伐殺陳湣公遂滅陳而有之是歲孔
子卒 杞東樓公者夏后禹之後苗裔
也殷時或封或絕周武王克殷紂求禹之
後得東樓公封之於杞宋忠曰杞今陳留雍丘縣也以奉

夏后氏祀東樓公生西樓公西樓公生題

公題公生謀娶公徐廣曰謀一作謨謀娶公當周厲

王時謀娶公生武公武公立四十七年卒

子靖公立靖公二十三年卒子共公立共

公八年卒子德公立徐廣曰世本曰惠公德公十八年

卒弟殍公姑容立徐廣曰世本曰惠公立十八

八年相公立十七年相公十七年卒子孝公鈞立孝公

十七年卒弟文公益姑立文公十四年卒

弟平公鬱立平公十八年卒子悼公成立

悼公十二年卒子隱公乞立七月隱公弒
遂弒隱公自立是為釐公釐公十九年卒
子湣公維立湣公十五年楚惠王滅陳十
六年湣公弟闕路弒湣公代立是為哀公
哀公立十年卒湣公子款立徐廣曰款一作邀是為
出公出公十二年卒子簡公春立立一年
楚惠王之四十四年滅杞杞後陳亡三十
四年杞小微其事不足稱述舜之後周武
王封之陳至楚惠王滅之有世家言禹之

後周武王封之杞楚惠王滅之有世家言
契之後為殷殷有本紀言殷破周封其後
於宋齊湣王滅之有世家言后稷之後為
周秦昭王滅之有本紀言皋陶之後或封
英六楚穆王滅之無譜伯夷之後至周武
王復封於齊曰太公望陳氏滅之有世家
言伯翳之後至周平王時封為秦項羽滅
之有本紀言垂益鼻龍其後不知所封不
見也 右十一人者皆唐虞之際各有

功德臣也其五人之後皆至帝王餘乃為顯諸侯滕薛騶夏殷周之間封也小不足齒列弗論也周武王時侯伯尚千餘人及幽厲之後諸侯力政相并江黃胡沈之屬不可勝數故弗采著于傳上

太史公曰舜之德可謂至矣禪位於夏而後世血食者歷三代及楚滅陳而田常得政於齊卒為建國百世不絕苗裔茲茲有土者不乏焉至禹於周則祀微甚不足數

也楚惠王滅祀其後越王勾踐興

索隱述贊曰

盛德之祀 必及百世 舜禹餘烈 陳祀是繼

媯滿受封 東樓篡世 闕路篡逆 夏姬淫嬖

二國衰微 或淪或替 前拜後虜 皆楚惠

勾踐勃興 田和吞噬 蟬聯血食 豈其苗裔

陳祀世家第六

史記三十六

衛康叔世家第七

史記三十七

衛康叔名封周武王同母少弟也其次尚有冉季冉季最少武王已克殷紂復以殷餘民封紂子武庚祿父比諸侯以奉其先祀勿絕爲武庚未集恐其有賊心武王乃令其弟管叔蔡叔傅相武庚祿父以和其民武王既崩成王少周公旦代成王治當國管叔蔡叔疑周公乃與武庚祿父作亂欲攻成周周公旦以成王命興師伐殷殺

武庚祿父管叔放蔡叔以武庚殷餘民封
康叔為衛君居河淇間故商墟周公旦懼
康叔齒少乃申告康叔曰必求殷之賢人
君子長者問其先殷所以興所以亡而務
愛民告以紂所以亡者以淫於酒酒之失
婦人是用故紂之亂自此始為梓材示君
子可法則故謂之康誥酒誥梓材以命之
康叔之國既以此命能和集其民民大說
成王長用事舉康叔為周司寇賜衛寶祭

器

左傳曰分康叔以大路大路大旂少帛績茂旂旌大呂賈逵曰大路金路也少帛雜帛也績茂大赤也通帛為旂析羽為旌大呂鍾名鄭眾曰績茂旂名也

以章有德康叔卒子

康伯代立康伯卒子考伯立考伯卒子嗣

伯立嗣伯卒子康史記音隱曰音捷伯立康伯卒子

靖伯立靖伯卒子貞伯立貞伯卒子頃侯

立頃侯厚賂周夷王夷王命衛為侯頃侯

立十二年卒子釐侯立釐侯十三年周厲

王出奔于彘共和行政焉二十八年周宣

王立四十二年釐侯卒太子共伯餘立為

君共伯弟和有寵於釐侯多予之賂和以其賂賂士以襲攻共伯於墓上共伯入釐侯羨自殺衛人因葬之釐侯旁諡曰共伯而立和為衛侯是為武公武公即位脩康叔之政百姓和集四十二年大戎殺周幽王武公將兵往佐周平戎甚有功周平王命武公為公五十五年卒子莊公楊立莊公五年取齊女為夫人好而無子又取陳女為夫人生子蚤死陳女女弟亦幸於莊

公而生子完完母死莊公令夫人齊女子之立為太子莊公有寵妾生子州吁十八年州吁長好兵莊公使將石碏諫莊公

賈逵

曰石碏衛上卿

曰庶子好兵使將亂自此起不聽二

十三年莊公卒太子完立是為桓公桓公二年弟州吁驕奢桓公絀之州吁出犇十三年鄭伯弟段攻其兄不勝亡而州吁求與之友十六年州吁收聚衛亡人以襲殺桓公州吁自立為衛君為鄭伯弟段欲伐

鄭請宋陳蔡與俱二國皆許州吁州新
立好兵弑相公衛人皆不愛石碣乃因相
公母家於陳詳為善州吁至鄭郊石碣與
陳侯共謀使右宰醜進食因殺州吁于濮
服虔曰右宰醜
衛大夫濮陳地而迎相公弟晉於邢而立之賈逵
曰邢周公之
胤姬姓國是為宣公七年魯弑其君
隱公九年宋督弑其君殤公及孔父十年
晉曲沃莊伯弑其君哀侯十八年初宣公
愛夫人夷姜夷姜生子伋以為太子而令

右公子傅之右公子為太子取齊女未入
室而宣公見所欲為太子婦者好說而自
取之更為太子取他女宣公得齊女生子
壽子朔令左公子傅之杜預曰左右媵
之子因以為號太子伋
母死宣公正夫人與朔共讒惡太子欲廢
伋宣公自以其奪太子妻也心惡太子欲
廢之及聞其惡大怒乃使太子伋於齊而
令盜遮界上殺之與太子白旄而告界盜
見持白旄者殺之且行子朔之兄壽太子

異母弟也知朔之惡太子而君欲殺之乃謂太子曰界盜見太子白旄即殺太子太子可毋行太子曰逆父命求生不可遂行壽見太子不止乃盜其句施而先馳至東界盜見其驗即殺之壽已死而太子伋又至謂盜曰所當殺乃我也盜并殺太子伋以報宣公宣公乃以子朔爲太子十九年宣公卒太子朔立是爲惠公左右公子不平朔之立也惠公四年左右公子怨惠公

之讒殺前太子伋而代立乃作亂攻惠公立太子伋之弟黔牟爲君惠公犇齊衛君黔牟立八年齊襄公率諸侯奉主命共伐衛納衛惠公誅左右公子衛君黔牟犇于周惠公復立惠公立三年出亡亡八年復入與前通年凡十一年矣二十五年惠公怨周之容舍黔牟與燕伐周周惠王犇溫衛燕立惠王弟頹爲王二十九年鄭復納惠王三十一年惠公卒子懿公赤立懿公

即位好鶴淫樂奢侈九年翟伐衛衛懿公
欲發兵兵或畔大臣言曰君好鶴鶴可令
擊翟翟於是遂入殺懿公懿公之立也百
姓大臣皆不服自懿公父惠公朔之讒殺
太子伋代立至於懿公常欲敗之卒滅惠
公之後而更立黔牟之弟昭伯頑之子申
為君是為戴公戴公申元年卒齊桓公以
衛數亂乃率諸侯伐翟為衛築楚丘立戴
公弟燬為衛君

賈誼書曰衛侯朝於周周行人問其名荅曰衛侯辟疆周行人

還之曰啓疆辟疆天子之號諸侯弗得用衛侯更其名曰燬然後受之

是為文公文公

以亂故犇齊齊人入之初翟殺懿公也衛
人憐之思復立宣公前死太子伋之後伋
子又死而代伋死者子壽又無子太子伋
同母弟二人其一曰黔牟黔牟嘗代惠公
為君八年復去其二曰昭伯昭伯黔牟皆
已前死故立昭伯子申為戴公戴公卒復
立其弟燬為文公文公初立輕賦平罪身
自勞與百姓同苦以收衛民十六年晉公

子重耳過無禮十七年齊桓公卒二十五

年文公卒子成公鄭立成公三年晉欲假

道於衛救宋成公不許晉更從南河度服

曰南河濟南之東南流河也救宋徵師於衛衛

大夫欲許成公不肯大夫元咺攻成公成

公出犇晉文公重耳伐衛分其地予宋討

前過無禮及不救宋患也衛成公遂出犇

陳二歲如周求入與晉文公會晉使人鳩

衛成公成公私於周主鳩令薄得不死已

而周為請晉文公卒入之衛而誅元咺衛

君瑕出犇七年晉文公卒十二年成公朝

晉襄公十四年秦穆公卒二十六年齊邴

歟弒其君懿公三十五年成公卒世本曰成公徙

濮陽宋忠曰濮陽帝丘地名

子穆公邀立穆公二年楚莊

王伐陳殺夏徵舒三年楚莊王圍鄭鄭降

復釋之十一年孫良夫救魯伐齊復得侵

地穆公卒子定公臧立定公十二年卒

子獻公衍立獻公十三年公令師曹教宮

妾鼓琴

賈逵曰師曹樂人

妾不善曹笞之妾以幸惡

曹於公公亦笞曹三百十八年獻公戒孫

文子甯惠子食皆往日旰不召

服虔曰孫文子林父也甯

惠子甯殖也敕戒二子欲共宴食皆服朝衣待命旰晏也

而去射鴻於囿二

子從之

服虔曰從公於囿

公不釋射服與之言

左傳曰不

釋皮冠

二子怒如宿

服虔曰孫文子邑也

孫文子子數侍

公飲

左傳曰文子子即孫蒯也

使師曹歌巧言之卒章

杜預

曰巧言詩小雅也其卒章曰彼何人斯居河之麋無拳無勇職為亂階公欲以警文子居河上而為亂

師曹又怒公之嘗笞三百乃歌之欲以怒

孫文子報衛獻公文子語遽伯玉伯玉曰

臣不知也

賈逵曰伯玉衛大夫

遂攻出獻公犇齊

齊置衛獻公於聚邑孫文子甯惠子共立

定公弟秋為衛君是為殤公

徐廣曰班氏云獻公弟秋

殤

公秋立封孫文子林父於宿十二年甯喜

與孫林父爭寵相惡殤公使甯喜攻孫林

父林父犇晉復求入故衛獻公獻公在齊

齊景公聞之與衛獻公如晉求入晉為伐

衛誘與盟衛殤公會晉平公平公執殤公

與甯喜而復入衛獻公獻公亡在外十二年而入獻公後元年誅甯喜三年吳延陵季子使過衛見蘧伯玉史鮒曰衛多君子其國無故過宿孫林父為擊磬曰不樂音大悲使衛亂乃此矣是年獻公卒子襄公惡立襄公六年楚靈王會諸侯襄公稱病不往九年襄公卒初襄公有賤妾幸之有身夢有人謂曰我康叔也令若子必有衛名而子曰元妾怪之問孔成子服虔曰衛卿孔烝鉏成

子曰康叔者衛祖也及生子男也以告襄公襄公曰天所置也名之曰元襄公夫人無子於是乃立元為嗣是為靈公靈公五年朝晉昭公六年楚公子棄疾弑靈王自立為平王十一年火三十八年孔子來祿之如魯後有隙孔子去後復來三十九年太子蒯瞶與靈公夫人南子有惡賈逵曰南子宋女欲殺南子蒯瞶與其徒戲陽邀謀朝使殺夫人賈逵曰戲陽邀太子家臣戲陽後悔不果蒯瞶數目

之夫人覺之懼呼曰太子欲殺我靈公怒
太子蒯聵奔宋已而之晉趙氏四十二年
春靈公游于郊令子郚僕賈逵曰郚靈公
僕御也少子也字子南靈公怨太子出奔謂郚曰
我將立若為後郚對曰郚不足以辱社稷
君更圖之服虔曰郚自謂己無德
不足立以汚辱社稷夏靈公卒夫
人命子郚為太子曰此靈公命也郚曰亡
人太子蒯聵之子輒在也不敢當於是衛
乃以輒為君是為出公六月乙酉趙簡子

欲入蒯聵乃令陽虎詐命衛十餘人衰經

歸

服虔曰衰經為若
從衛來迎太子也

簡子送蒯聵衛人聞之發

兵擊蒯聵蒯聵不得入入宿而保衛人亦
罷兵出公輒四年齊田乞弒其君孺子八
年齊鮑子弒其君悼公孔子自陳入衛九
年孔文子問兵於仲尼仲尼不對其後魯
迎仲尼仲尼反魯十二年孔圉文子取
太子蒯聵之姊生悝孔氏之豎渾良夫美
好孔文子卒良夫通於悝母太子在宿悝

母使良夫於太子太子與良夫言曰苟能

入我國報子以乘軒免子三死母所與杜預曰軒

大夫車也三死死罪三與之盟許以悝母為妻閏月良

夫與太子入舍孔氏之外圃服虔曰圃園昏二人

蒙衣而乘服虔曰二人謂良夫太子蒙衣為婦人之服以巾蒙其頭而共乘也宦者

羅御如孔氏孔氏之老藥甯問之服虔曰家臣稱老問

其姓稱姻妾以告賈逵曰婚名遂入適伯姬氏服虔曰入

孔氏家適伯姬所居既食悝母杖戈而先服虔曰先至孔悝所太子

與五人介輿猥從之賈逵曰介被甲也輿猥豚欲以盟伯姬劫

悝於廁強盟之遂劫以登臺服虔曰於衛臺上召衛羣臣

藥甯將飲酒炙未熟聞亂使告仲由服虔曰

孔氏邑宰召護駕乘車服虔曰召護衛大夫駕乘車不駕兵車也言無距父

之行爵食炙服虔曰藥甯使召季路乃行爵食炙也奉出公輒犇

魯服虔曰召護奉衛侯仲由將入遇子羔將出賈逵曰子

高柴孔子弟子也將出犇曰門已閉矣子路曰吾姑至矣

杜預曰且子羔曰不及莫踐其難賈逵曰言家臣憂不及國

不得踐履其難鄭眾曰是時輒已出不及事不子路

當踐其難子羔言不及以為季路欲死國也曰食焉不辟其難服虔曰言食悝之祿欲救子

羔遂出子路入及門公孫敢闔門曰毋入

為也服虔曰公孫敢衛大夫言輒已出無為復入子路曰是公孫也

求利而逃其難由不然利其祿必救其患

有使者出子路乃得入曰天子焉用孔悝

雖殺之必或繼之王肅曰必有繼續其後攻天子且曰天子

無勇若燔臺必舍孔叔天子聞之懼

下石乞孟厲敵子路服虔曰二子蒯以戈

擊之割纓子路曰君子死冠不免服

曰不使冠在地結纓而死孔子聞衛亂曰嗟乎

柴也其來乎由也其死矣孔悝竟立太子

蒯聵是為莊公莊公蒯聵者出公父也居

外怨大夫莫迎立元年即位欲盡誅大臣

曰寡人居外久矣子亦嘗聞之乎群臣欲

作亂乃止二年魯孔丘卒三年莊公上城

見戎州賈逵曰戎州戎人之邑曰戎虜何為是戎州病

之十月戎州告趙簡子簡子圍衛十一月

莊公出犇衛人立公子斑師為衛君駟案左傳曰班

師襄公之孫齊伐衛虜班師更立公子起為衛君

服虔曰起靈公子

衛君起元年衛石曼專逐其君起

起犇齊衛出公輒自齊復歸立初出公立

十二年亡亡在外四年復入出公後元年

賞從亡者立二十一年卒出公季父黔攻

出公子而自立是為悼公悼公五年卒子

敬公弗立

駟案世本云敬公費也

敬公十九年卒子昭

公糾立是時三晉彊衛如小侯屬之昭公

六年公子亶弑之代立是為懷公懷公十

一年公子頹弑懷公而代立是為慎公慎

公父公子適適父敬公也慎公四十二年

卒子聲公訓立聲公十一年卒子成侯速

立成侯十一年公孫鞅入秦十六年衛更

貶號曰侯二十九年成侯卒子平侯立平

侯八年卒子嗣君立嗣君五年更貶號曰

君獨有濮陽四十二年卒子懷君立懷君

三十一年朝魏魏囚殺懷君魏更立嗣君

弟是為元君元君為魏壻故魏立之

徐廣曰班

氏云元君者懷君之弟

元君十四年秦拔魏東地秦初

置東郡更徙衛野王縣而并濮陽為東郡

二十五年元君卒子君角立駟案年表云元君十一年秦置

東郡十二年徙野王二十三年卒君角九年秦并天下立為始

皇帝二十一年二世廢君角為庶人衛絕

祀

太史公曰余讀世家言至於宣公之太子

以婦見誅弟壽爭死以相讓此與晉太子

申生不敢明驪姬之過同俱惡傷父之志

然卒死亡何其悲也或父子相殺兄弟相

滅亦獨何哉

衛康叔世家第七

史記三十七

宋微子世家第八

史紀三十八

微子開者

孔安國曰微畿內國名子爵也為紂鄉士

殷帝乙之首子

而紂之庶兄也紂既立不明淫亂於政微

子數諫紂不聽及祖伊以周西伯昌之修

德滅阮

徐廣曰阮音者

阮國懼禍至以告紂紂曰我

生不有命在天乎是何能為於是微子度

紂終不可諫欲死之及去未能自決乃問

於太師少師

孔安國曰太師三公箕子也少師孤卿比干也

曰殷不有治

政不治四方

孔安國曰言殷不有治政四方之事將必亡也

我祖遂陳於

上馬融曰我祖湯也孔安國曰言湯遂其功陳力於上世也紂沈湎於酒婦人

是用亂敗湯德於下馬融曰下世也殷既小大好

草竊姦軌孔安國曰草野盜竊又為姦宄於外內卿士師師非度

馬融曰非但小人學為姦宄卿士已下轉相師效為非法度皆有罪辜乃無維獲

鄭玄曰獲得也羣臣皆有是罪其爵祿又無常得之者言屢相攻奪小民乃並興相為

敵讎孔安國曰卿士自亂而小民各起共為敵讎言不和同今殷其典喪若涉

水無津涯徐廣曰一作涉水無舟航言危也駟謂典國典也殷遂喪越

至于今馬融曰越於也於是至矣於今到矣曰太師少師馬融曰重

呼告我其發出往鄭玄曰發起也紂禍敗如此我其起作出往也吾家保

于喪徐廣曰一云於是家保駟案馬融曰卿大夫稱家今女无故告王肅曰無意告

我也是微子求教誨也予顛躋如之何其馬融曰躋猶墜也恐顛墜於非義當如之

何也鄭玄曰其語助也齊魯之閒聲如姬禮記曰何居太師若曰王子天篤

下菑亡殷國孔安國曰微子帝乙子故曰王子天生紂為亂是下菑也鄭玄曰少師不答志

在必乃母畏畏不用老長孔安國曰上不畏天菑下不畏賢人違戾

耆老之長不用其教今殷民乃陋淫神祇之祀徐廣曰一云今殷民

侵神犧又一云陋淫侵神祇駟案馬融曰天曰神地曰祇今誠得治國國治身

死不恨為死終不得治不如去遂亡箕子

者馬融曰箕國名也子爵也紂親戚也紂始為象箸箕子歎

曰彼為象箸必為玉楮為楮則必思遠方
 珍怪之物而御之矣輿馬宮室之漸自此
 始不可振也紂為淫泆箕子諫不聽人或
 曰可以去矣箕子曰為人臣諫不聽而去
 是彰君之惡而自說於民吾不忍為也乃
 被髮佯狂而為奴遂隱而鼓琴以自悲故
 傳之曰箕子操風俗通義曰其道閉塞憂愁而作
 者命其曲曰操操者言遇菑遭害
 困厄窮迫雖怨恨失意猶守禮義
 不懼不懾樂道而不改其操也 王子比干者亦
 紂之親戚也見箕子諫不聽而為奴則曰

君有過而不以死爭則百姓何辜乃直言
 諫紂紂怒曰吾聞聖人之心有七竅信有
 諸乎乃遂殺王子比干剗視其心微子曰
 父子有骨肉而臣主以義屬故父有過子
 三諫不聽則隨而號之人臣三諫不聽則
 其義可以去矣於是太師少師乃勸微子
 去遂行時比干已死而
 云少師者似誤周武王伐紂克殷微子
 乃持其祭器造於軍門肉袒面縛左牽羊
 右把茅膝行而前以告於是武王乃釋微

子復其位如故武王封紂子武庚祿父以

續殷祀使管叔蔡叔傅相之武王既克殷

訪問箕子武王曰於乎維天陰定下民相

和其居孔安國曰天不言而默定下民助合其居使有常生之資也我不知其

常倫所序孔安國曰言我不知天所以定民之常道理次叙問何由箕子對曰

在昔鯀陞鴻水汨陳其五行孔安國曰陞塞汨亂也治水失道是

亂陳五行帝乃震怒不從鴻範九等常倫所斁

徐廣曰一作釋駟案鄭玄曰帝天也天以鯀如是乃震動其威怒不與天道大注九類言王所問所由敗

也鯀則殛死禹乃嗣興鄭玄曰春秋傳曰舜之誅也殛鯀其舉也與禹天

乃錫禹鴻範九等常倫所序孔安國曰天與禹洛出書也神龜負

文而出列於背有數至于九禹遂因而第之以成九類初一日五行二日五

事三日八政四日五紀五日皇極六日三

德七日稽疑八日庶徵九日嚮用五福畏

用六極馬融曰言天所以畏懼人用六極五行一曰水二曰火

三曰木四曰金五曰土鄭玄曰此數本諸陰陽所生之次也水曰

潤下火曰炎上孔安國曰言其自然之常性也木曰曲直孔安國曰木可

揉使曲直也金曰從革馬融曰金之性從人而更可銷鑠土曰稼穡王肅曰種

之曰稼斂之曰穡潤下作醜孔安國曰水鹵所生炎上作苦孔安國曰焦氣

朱曲直作酸孔安國曰木實之性從革作辛孔安國曰稼金氣之未稼

稽作甘孔安國曰甘味生於百穀五行以下箕子所陳五事一曰貌二曰

言三曰視四曰聽五曰思貌曰恭言曰從

馬融曰發言當使可從視曰明聽曰聰思曰睿馬融曰睿通也恭

作肅從作治馬融曰出令而從所以為治也明作智聰作謀孔

國曰所謀必成審也馬融曰上聰則下進其謀睿作聖孔安國曰於事無不通謂之聖八政

一曰食二曰貨三曰祀四曰司空馬融曰司空掌營城

郭主空土以居民五曰司徒孔安國曰司徒眾教以禮義六曰司寇馬融曰司寇

口主誅寇害七曰賓鄭玄曰掌諸侯朝覲之官八曰師鄭玄曰掌軍旅之官五

紀一曰歲二曰月三曰日四曰星辰馬融曰八宿辰日月之所會也鄭玄曰星五星也

皇極皇建其有極孔安國曰大中之道人立其有中謂行九疇之義殷時

五福用傳錫其庶民馬融曰當殷是五福之道用布與眾民維時

其庶民于女極馬融曰以其能殷是五福故錫女

保極鄭玄曰又賜女以守中之道凡厥庶民母有淫朋人母

有比德維皇作極孔安國曰民有善則無淫過朋黨之惡比周之德惟天下皆大

為中止也凡厥庶民有猷有為有守女則念之

馬融曰凡其眾民有謀有為有所執守當思念其行有所趣舍也 不協于極不離

于咎皇則受之

孔安國曰凡民之行雖不合於中而不罹於咎惡皆可進用大法受之

而安而色曰予所好德女則錫之福

孔安國曰女當

安女顏色以謀下人人曰我時人斯其維皇之極

所好者德也女則與之爵祿時人斯其維皇之極

孔安國曰不合于中之人女與之福母侮鰥寡而

則是人此其惟大之中言可勉進也母侮鰥寡而

畏高明馬融曰高明顯寵人之有能有為使羞

其行而國其昌王肅曰使進其行任之以政則國為之昌凡厥正人

既富方穀孔安國曰正直之人既當爵祿富之又當以善首接之女不能使

有好于而家時人斯其幸孔安國曰不能使正人斯其詐取罪而去也于其母好女雖錫之福其作女

用咎鄭立曰無好於女家之人雖賜之以爵祿其動作為女用惡謂為天子結怨於民毋無

母頗遵王之義孔安國曰偏不平頗不正母有

作好遵王之道馬融曰好私好也母有作惡遵王之

路母偏母黨王道蕩蕩孔安國曰言開辟也鄭立曰黨朋黨母黨

母偏王道平平孔安國曰言辨治也母反母側王道正

直馬融曰反反道也側傾側也會其有極鄭立曰謂君也當會聚有中之人以為臣也

歸其有極鄭立曰謂臣也當就曰王極之傳言

馬融曰王者當盡極行之使臣下布陳其言是夷是訓于帝其順馬融

曰是大中而常行之用是凡厥庶民極之傳言馬融

教訓天下於天為順也

曰亦盡極敷陳 是順是行 王肅曰民納言於上而其言於上也 得中者則順而行之

以近天子之光 王肅曰近猶益也順行民言所以益天子之光 曰天子作

民父母以為天下王 王肅曰政教務中民善是所以為民父母而為天下王

歸三德一曰正直 鄭玄曰中正平之人 二曰剛克 三曰柔

克 鄭玄曰克能也剛而能柔柔而平康正直 孔安國曰世平

康用正 彊不友 剛克 孔安國曰友順也世彊 內友柔

克 孔安國曰世和順 沈漸剛克 馬融曰沈陰也

賊臣亂子非一朝一夕之漸君親無將將而誅焉 高明柔克 馬融曰高明君子亦以德懷也

維辟作福 維辟作威 維辟玉食 馬融曰辟君也玉食其食

不言于者闕諸侯也鄭玄曰作福專爵賞也作威專刑罰也玉食備珍美也 臣无有作

福作威 玉食臣有作福 作威 玉食其害于

而家凶于而國人用側頗辟 民用僭忒 孔安國曰

在位不端平則下民僭差 稽疑 擇建立卜筮人 孔安國曰龜曰

疑事當選擇知卜筮人而建立之 乃命卜筮 曰雨曰濟 曰涕 尚書

曰霧 徐廣曰一曰 曰克 曰貞 曰悔 凡七 卜五 占

之用 二行 貞 鄭玄曰一五占之用謂雨濟圍霧克也二行貞謂身悔也將立卜筮人乃

先命名卦而分別之兆卦之名凡七龜用五易用二審此道者乃立之也雨者兆之體氣如雨然也濟者如雨止之雲氣在上者也圍者色澤而光明也霧者氣不釋鬱冥冥也克者如侵氣之色相犯也內卦

也貞貞正也外卦曰悔悔之言悔立時人為卜筮

曰悔猶終也卦象多變故言行資

鄭玄曰立是能分別北三人占則從二人之言

鄭玄曰從其多者著龜之道幽微難明真之深

謀及卿士謀及庶人謀及卜筮孔安國曰先盡謀慮然後卜筮

以決之以決女則從龜從筮從卿士從庶民從是之

謂大同孔安國曰大同於吉而身其康強而子孫其逢

吉孔安國曰動不違眾故後世遇吉也女則從龜從筮從卿士逆

庶民逆吉卿士從龜從筮從女則逆庶民

逆吉庶民從龜從筮從女則逆卿士逆吉

鄭玄曰此三者皆從多故為吉女則從龜從筮逆卿士逆庶民

逆作內吉作外凶鄭玄曰此逆者多以故舉事於境內則吉境外則凶龜筮

共違于人用靜吉用作凶孔安國曰安以守常則吉動則凶鄭玄曰龜筮

皆與人謀相違人雖三從猶不可以舉事庶徵曰雨曰陽曰奧曰寒曰

風曰時孔安國曰雨以潤物陽以乾物煖以長物寒以成物風以動物五者各以時所以為眾驗五

者來備各以其序庶草繁庶孔安國曰言五者備至各以次序則

眾草木繁一極備凶一極亡凶孔安國曰一者備庶滋豐也極過甚則凶一者

極無不至亦凶謂其不時失叙之謂也曰休徵孔安國曰叙美行之驗曰肅時雨

若孔安國曰君行敬則時雨順之曰治時暘若孔安國曰君政治則時陽順之曰

知時奧若

孔安國曰君昭哲則時燠順之

曰謀時寒若

孔安國曰君能謀則

時寒順之

曰聖時風若

孔安國曰君能通理則時風順之

曰咎徵

孔安國曰敘惡

行之

曰狂常雨若

孔安國曰若行狂妄則常雨順之

曰僭常暘若

孔安國曰君行僭差則常暘順之

曰舒常奧若

孔安國曰君行逸豫則常燠順之

曰

急常寒若

孔安國曰君行急則常寒順之

曰霧常風若

孔安國曰若行

霧闇則常風順之

王菁維歲

馬融曰言王者所嘗職如歲兼四時也

卿士維

月

孔安國曰卿士各有所掌如月之有別

師尹維日

孔安國曰衆正官之吏分治其職如

日之有歲月也

歲月日時毋易

孔安國曰各順常

百穀用成治

用明

孔安國曰歲月無易則百穀成君臣無易則正治明

峻民用章家用平

康

孔安國曰賢臣顯用國家平寧

日月歲時既易百穀用不

成治用昏不明峻民用微家用不寧庶民

維星

孔安國曰星星民象故衆民惟若星也

星有好風星有好雨

馬融曰箕星好風畢星好雨

日月之行有冬有夏

孔安國曰日月之行

冬夏各有常度

月之從星則以風雨

孔安國曰月經于箕則多風離于畢則多

雨政教失常以從民欲亦所以亂

五福一曰壽二曰富三曰康

寧

鄭玄曰康寧平安

四曰攸好德

孔安國曰所好者德福之道

五曰考

終命

孔安國曰各成其短長之命以自終不橫夭

六極一曰凶短折

鄭玄曰未齒曰凶未冠曰短未婚曰折

二曰疾三曰憂四曰貧五

曰惡孔安國曰惡醜陋也六曰弱鄭玄曰愚儒不壯毅曰弱於是武王

乃封箕子於朝鮮而不臣也其後箕子朝

周過故殷虛感宮室毀壞生禾黍箕子傷

之欲哭則不可欲泣為其近婦人乃作麥

秀之詩以歌詠之其詩曰麥秀漸漸兮禾

黍油油彼狡僮兮不與我好兮所謂狡僮

者紂也殷民間之皆為流涕杜預曰梁國蒙縣有箕子冢武

王崩成王少周公旦代行政當國管蔡疑

之乃與武庚作亂欲襲成王周公徐廣曰二云欲襲成周

周公既承成王命誅武庚殺管叔放蔡叔

乃命微子開代殷後奉其先祀作微子之

命以申之國于宋世本曰宋更曰睢陽微子故能仁賢

乃代武庚故殷之餘民甚戴愛之微子開

卒立其弟衍是為微仲禮記曰微子舍其孫脂而立衍也鄭玄曰微子

適子死立其弟衍殷禮也微仲卒子宋公稽立宋公稽卒

子丁公申立丁公申卒子湑公共立湑公

共卒弟煬公熙立煬公即位湑公子鮒祀

徐廣曰鮒一作鮒弒煬公而自立曰我當立是為厲

公厲公卒子釐公舉立釐公十七年周厲
王出奔彘二十八年釐公卒子惠公音古莫反立
呂忱曰黜惠公四年周宣王即位三十年惠
公卒子哀公立哀公元年卒子戴公立戴
公二十九年周幽王為犬戎所殺秦始列
為諸侯三十四年戴公卒子武公司空立
武公生女為魯惠公夫人生魯桓公十八
年武公卒子宣公力立宣公有太子與夷
十九年宣公病讓其弟和曰父死子繼兄

死弟及天下通義也我其立和和亦三讓
而受之宣公卒弟和立是為穆公穆公九
年病召大司馬孔父謂曰先君宣公舍太
子與夷而立我我不敢忘我死必立與夷
也孔父曰羣臣皆願立公子馮穆公曰毋
立馮吾不可以負宣公於是穆公使馮出
居于鄭八月庚辰穆公卒兄宣公子與夷
立是為殤公君子聞之曰宋宣公可謂知
人矣立其弟以成義然卒其子復享之殤

公元年衛公子州吁弒其君完自立欲得諸侯使告於宋曰馮在鄭必為亂可與我伐之宋許之與伐鄭至東門而還二年鄭伐宋以報東門之役其後諸侯數來侵伐九年大司馬孔父嘉妻好出道遇大宰華督服虔曰督戴公之孫督說目而觀之服虔曰目者極視精不轉也

督利孔父妻乃使人宣言國中曰殤公即位十年耳而十一戰賈逵曰一戰伐鄭圍其東門二戰取其禾三戰取邾田四

戰邾鄭伐宋入其郛五戰伐鄭圍長句六戰鄭以王命伐宋七戰魯敗宋師于菅八戰宋備入鄭九戰伐戴

十戰鄭入宋十一戰鄭伯以號師大敗宋民苦不堪言孔父為之我且

殺孔父以寧民是歲魯弒其君隱公十年

華督攻殺孔父取其妻殤公怒遂弒殤公

而迎穆公子馮於鄭而立之是為莊公莊

公元年華督為相九年執鄭之祭仲要以

立突為鄭君祭仲許竟立突十九年莊公

卒子湣公捷立湣公七年齊桓公即位九

年宋水魯使臧文仲往弔水賈逵曰問凶曰弔湣公

自罪曰寡人以不能事鬼神政不脩故水

臧文仲善此言此言乃公子子魚教湣公

也十年夏宋伐魯戰於乘丘徐廣曰乘一作滕駟案杜預曰乘丘魯地

魯生虜宋南宮萬賈逵曰南宮氏萬名宋卿宋人請萬萬

歸宋十一年秋湣公與南宮萬獵因博爭

行湣公怒辱之曰始吾敬若今若魯虜也

萬有力病此言遂以局殺湣公于蒙澤賈逵

曰蒙澤宋澤名也杜預曰宋地梁國有蒙縣大夫仇牧聞之以兵造

公門萬搏牧牧齒著門闔死何休曰闔門扇因殺大

宰華督乃更立公子游為君諸公子犇蕭

公子禦說犇亳服虔曰蕭亳宋邑也杜預曰今沛國有蕭縣蒙縣西北有亳城也

萬弟南宮牛將兵圍亳冬蕭及宋之諸公

子共擊殺南宮牛弒宋新君游而立湣公

弟禦說是為桓公宋萬犇陳宋人請以賂

陳陳人使婦人飲之淳酒服虔曰宋萬多力勇不可執故先使婦人

誘而飲之酒醉而縛之以革裹之歸宋左傳曰以犀革裹之宋人醢

萬也服虔曰醢肉醬桓公二年諸侯伐宋至郊而去

三年齊桓公始霸二十三年迎衛公子燬

於齊立之是為衛文公文公女弟為桓公

夫人秦穆公即位三十年桓公病太子茲甫讓其庶兄目夷為嗣桓公義太子意竟不聽三十一年春桓公卒太子茲甫立是為襄公以其庶兄目夷為相未葬而齊桓公會諸侯于葵丘襄公往會襄公七年宋地實星如雨與雨偕下左傳曰隕石于宋五隕星也六鵙退公羊傳曰視之則六察之則鵙徐察之則退飛風疾也賈逵曰風起於遠至宋都高而疾故鵙逢八年齊桓公卒宋欲為盟會十二年春宋襄公為鹿上之盟杜預曰鹿上宋地汝陰有原鹿縣以求諸

侯於楚楚人許之公子目夷諫曰小國爭盟禍也不聽秋諸侯會宋公盟于孟杜預曰孟宋地目夷曰禍其在此乎君欲已甚何以堪之於是楚執宋襄公以伐宋冬會于亳以釋宋公子魚曰禍猶未也十三年夏宋伐鄭子魚曰禍在此矣秋楚伐宋以救鄭襄公將戰子魚諫曰天之棄商久矣不可冬十一月襄公與楚成王戰于泓穀梁傳曰戰于泓水之上楚人未濟目夷曰彼眾我寡及其未濟擊之公

不聽已濟未陳又曰可擊公曰待其已陳
陳成宋人擊之宋師大敗襄公傷股國人
皆怨公公曰君子不困人於阨不鼓不成
列何休曰軍法以鼓戰以金止不鼓不戰也不成列未成陳子魚曰兵以勝為
功何常言與徐廣曰一云後何言與必如公言即奴事之
耳又何戰為楚成王已救鄭鄭享之去而
取鄭二姬以歸叔瞻曰成王無禮其不沒
乎為禮卒於無別有以知其不遂霸也是
年晉公子重耳過宋襄公以傷於楚欲得

晉援厚禮重耳以馬二十乘

服虔曰八十四

十四年

夏襄公病傷於泓而竟卒子成公王臣立
成公元年晉文公即位三年倍楚盟親晉
以有德於文公也四年楚成王伐宋宋告
急於晉五年晉文公救宋楚兵去九年晉
太公卒十一年楚太子商臣弑其父成王
代立十六年秦穆公卒十七年成公卒成
公弟禦殺太子及大司馬公孫固而自立
為君宋人共殺君禦而立成公少子杵臼

是為昭公昭公四年宋敗長翟緣斯於長

丘魯世家云宋武公之世獲緣斯於長丘今云此時未詳七年楚莊王即位

九年昭公無道國人不附昭公弟鮑革徐廣

曰一無革字賢而下士先襄公夫人欲通於公子

鮑不可服虔曰襄公夫人周襄王之姊王姬也不可鮑不肯也乃助之施於

國因大夫華元為右師昭公出獵夫人王

姬使衛伯攻殺昭公杵臼弟鮑革立是為

文公文公元年晉率諸侯伐宋責以弑君

聞文公定立乃去二年昭公子因文公母

弟須與武繆戴莊栢之族為亂文公盡誅

之出武繆之族賈逵曰出逐也四年春鄭命楚伐宋

宋使華元將鄭敗宋囚華元華元之將戰

殺羊以食士其御羊羹不及左傳曰御羊斟也故怨

馳入鄭軍故宋師敗得囚華元宋以兵車

百乘文馬四百疋賈逵曰文經文也王肅曰文馬畫馬也贖華元未

盡入華元亡歸宋十四年楚莊王圍鄭鄭

伯降楚楚復釋之十六年楚使過宋宋有

前仇執楚使九月楚莊王圍宋十七年楚

以圍宋五月不解宋城中急無食華元乃
夜私見楚將子反子反告莊王王問城中
何如曰折骨而炊何伏曰折破人骨也易子而食莊王
曰誠哉言我軍亦有三日糧以信故遂罷
兵去二十二年文公卒子共公瑕立始厚
葬君子譏華元不臣矣共公九年華元善
楚將子重又善晉將欒書兩盟晉楚十三
年共公卒華元為右師魚石為左師司馬
唐山攻殺太子肥欲殺華元華元犇晉魚

石止之至河乃還魚石家在陳留小橋縣城北誅唐山乃

立共公少子成是為平公左傳曰魚石犇楚平公三

年楚共王伐宋之彭城以封宋左師魚石

四年諸侯共誅魚石而歸彭城於宋二十

五年楚公子圍弒其君自立為靈王四十

四年平公卒子元公佐立元公三年楚公

子棄疾弒靈王自立為平王八年宋火十

年元公母信詐殺諸公子大夫華向氏作

亂楚平王太子建來犇見諸華氏相攻亂

建去如鄭十五年元公為魯昭公避季氏居外為之求入魯行道卒子景公頭曼立景公十六年魯陽虎來犇已復去二十五
年孔子過宋宋司馬相雖惡之欲殺孔子孔子微服去三十年曹倍宋又倍晉宋伐曹晉不救遂滅曹有之三十六年齊田常弒簡公三十七年楚惠王滅陳熒惑守心
心宋之分野也景公憂之司星子韋曰可移於相景公曰相吾之股肱曰可移於民

景公曰君者待民曰可移於歲景公曰歲飢民困吾誰為君子韋曰天高聽卑君有君人之言三熒惑宜有動於是候之果徙
三度六十四年景公卒宋公子特攻殺太子而自立是為昭公昭公者元公之曾庶孫也昭公父公孫糾糾父公子禚秦徐廣曰禚音端
禚秦即元公少子也景公殺昭公父糾故昭公怨殺太子而自立昭公四十七年卒
子悼公購由立年表云四十九年悼公八年卒子休

公田立休公田二十三年卒子辟公辟兵立

云辟公三年卒子剔成立剔成年表云剔成君也剔成四

十一年剔成弟偃攻襲剔成剔成敗奔齊

偃自立為宋君君偃十一年自立為王東

敗齊取五城南敗楚取地三百里西敗魏

軍乃與齊魏為敵國盛血以韋囊縣而射

之命曰射天淫於酒婦人羣臣諫者輒射

之於是諸侯皆曰桀宋宋其復為紂所為

不可不誅告齊伐宋王偃立四十七年齊

湣王與魏楚伐宋殺王偃遂滅宋而三分

其地駟案年表云偃立四十二年

太史公曰孔子稱微子去之箕子為之奴

比干諫而死殷有三仁焉何晏曰仁者愛人三人行異而同稱仁者何也

以其俱在憂亂寧民夏侯玄曰微子仁之窮也箕子比干志之窮也故或盡材而止或盡心而留皆其極也致

極斯君子之事矣是以三仁不同而其歸一揆也春秋譏宋之亂自宣

公廢太子而立弟駟案公羊傳曰君子大居正宋之禍宣公為之也國

以不寧者十世襄公之時修仁行義欲為

盟主其大夫正考父美之故追道契湯高

三十七

宗殷所以興作公駟案韓詩商頌襄公

既敗於泓而君子或以為多駟案公羊傳曰

不成列臨大事而不忘大禮有君傷中國闕禮義

褒之也宋襄之有禮讓也

宋微子世家第八

史記三十八

